

Izi - Ndzota Ekwo-Ofu Chileke - Salvation Scriptures

Efesosu 2:2 Teke ono bę unu shi etso ęka ndiphe. Unu shi anoduje eme iphe, epherephere pfuru, bę iya bę onye ophu, bę onye-ishi l'ephekerephe bya abürü ɔbvu ono, l'emeje gę nemadzụ kwefuru Chileke ike ono.

Matiyu 6:10 Goshinu l'oo gubedua bę eze. G'e meje iphe, du ngu l'uche l'eliphe g'eemeje iya l'imigwe.

Luku 22:42 "Nna; o -buru l'o du ngu l'uche; nafunu mu okoro iphe-ehuka ɔwa-a; ole o kwa g'o tọ bükwa iphe, du mu l'uche l'e-me; g'o bükwaru iphe, du gubedua l'uche."

Jionu 16:7-9 Ole g'o duhabe; gę mu mekwaa ya g'o doo unu ẹnya; o kakwaru unu ree mę mu -laa; kélé mu aladuru bę Onye N-yemeka ono ta alwapfutakwa unu. Obenu l'oo mu -laephō; mu ezia ya g'o Iwapfuta unu. 8 Teke o byaerupho bę oo-goshi ndiphe l'o tọ będu iphe, ẹphe arı l'iphe-oji bę bę o bę; goshi phę l'o tọ będu iphe, ẹphe rịru l'apfubekoto bę bę o bę; goshikwa phę pho l'o tọ będu iphe, ẹphe rịru l'ikpe Chileke bę bę iya nü. Noo g'oo-gude goshi l'ikpe nmaru phę bę ono. 9 Oo-goshi phę l'anono, ẹphe anodu mu l'ęka bę iphe-oji bę ẹphe eme.

2 Timoti 2:10 Noo g'o gude mu gude k'ehu ndu Chileke hotaru atagbukota iphemiphe ono lę nshi; o ya bę gę Chileke eshikwanu l'ęka Kéreshi dzokwaa phę pho; shi egube ono nü phę ndzụ ojejoje, du biribiri.

Romu 15:20,21 O buerupho iphe lanu, anoduje evu mu evuvu l'obu bę eje epfu ofu Chileke; ole o tọ bükwa gę mu je iya epfupfu l'ęka a mahawarụ kę Kéreshi; gę mu ta agbę gbęshi je akpüahaa ụlo l'eli ıkpa ụlo, onye ɔzo tūhawaru. 21 O dúa g'iphe, e deru l'ekwo-ofu Chileke sụ: "Ndu e teke pfusweeru nkiya l'a-hüma l'ẹnya. Ndu e teke anum-swee nkiya bę kę nkiya ono e-do ẹnya."

Ndu-Ishi-Ozi 2:36,37 "O ya bę; g'o doo Izuręlu mgburugburu ẹnya rengurengu lę Chileke mewaru Jizosu ono, unu kpöpyaberu l'oswebe ono g'o bürü Nnajiuphu bürü Kéreshi ɔbu." 37 Noo ya; ẹphe nümae ya pho; meji tsukahụ phę. Ẹphe sụ Pyita waa ndu-isho-ozi ndu ɔphuu: "Unwunna anyi; ?bę gunu bę anyi e-me?"

Hiburu 4:2 Kélé o kwapho gę ndiche ono, Mósisu edu ụzo l'echięgu ono nümaru ozi-oma ono bę g'anyịbedua nümaru iya nta-a. Obenu l'opfu ono, ẹphe nümaru onoya ta adụdu urwu, o barụ phę; kélé ẹphe nümacharu ukwe-iphe, Chileke kweru bya emee g'ẹphe ta anumaduru iya.

Jieremaya 24:7 Mu a-nü phę obu, ẹphe e-gude maru mu; mbę l'o mu bę Chipfu. Ẹphe a-bürü ndibe mu; mbędua abürü Chileke phę. Noo kélé ẹphe e-gude obu phę l'ophu l'ophu Iwapfuta mu."

Ndu-Ishi-Ozi 16:14 Onye lanu l'uwanyi ono, nümaru opfu anyi ono bę Lidiya. Lidiya ono bę onye Tayatayira. Ọogba ngho ękwa uswe-uswe. O bę nwanyi,

abudu onye Jiu; ole Chileke duru iya le nsø. Nnajuphu bya anwusaa ya obu; o ngabé nchị l'iphe, Polu epfu.

Matiyu 13:14,15 O bürü l'ehu phę be iphe, Azáya onye mpfuchiru Chileke pfuru vürü; l'ø sru: “ ‘Ephe a-nга nchị nta ngaa imo; o tø dudu iphe, edo phę enya. Lee enya nta lee imo; o tø dudu iphe, ephe byaru ahuma. 15 Opfu l'ephe kpochiwaru obu. Ephe swo-chiwa nchị; tanyibe enya. O -burabu m'ephe egudekwaa enya huma; gude nchị phę numa. Obu phę emee g'o doo phę enya; m'ephe aghakobe byapfuta Chileke g'ø dzoo phę.’

Azáya 6:9,10 O su: “Ngwa; je akaru ndu-a; su phę le-a: ‘Unu a-numa numa nta numa imo; ole o tø dudu iphe, edo unu enya. Unu elee enya nta lee imo; ole o tø dudu iphe, unu a-huma.’ 10 Mee ndu-a g'okpoma nmaa phę agbadagba. L'iimee ge nchị nyi phę erwa. L'iimee g'enya nyihu phę. Odumeka be ephe e-gudekwa enya phę huma; gude nchị phę numa; gude okpoma phę nwuta iphe; dakobe bya l'eemee g'ephe wekorohu.”

Maku 4:11,12 O su phę: “Oo unubedula be Chileke egoshi iphe, e shi domia edomi, bu iya bu k'eka Chileke bu eze; ole ndu ozo be aanmaru iphemiphe ono l'etu etu. 12 Oo ya bu g'øo-bürü: “Ephe lee nta lee imo; o tø dudu iphe, ephe a-huma! Ophu oododu phę enya; o betakpooru ephe pfubechaa ya nchị epfube! A-nonyaa ephe Iwaphuta azu Iwapfuta Chileke; o gwaru phę nvu.”

Jionu 12:39,40 Noo g'o shitaru; ebe ephe ekwetaduru. Le Azáya pfukwarupho ozo su: 40 “Chileke mewaru phę; ephe tsuahaa ishi; bya emewaa phę g'ephe kpochia okpoma g'ee-shi g'ø tø duhe iphe, enya phę a-humaje; ozoo k'ophu oriri e-rwu phę l'øhu epho; g'ephe gbanwee byapfuta mu ge mu mee phę g'ephe wekorohu.”

Romu 11:7,8 Su-a; ?bu awe be anyi a-sube opfu obu ishi nta-a? O tø buebekwa ndu Izurelu l'ophu nataru iphe, ephe riru aphu iya; o kwa ndu a hotaru nataru iya. Ndu ophuu bukotaru ndu a kpochiru okpoma. 8 O bürü iya bu iphe, e deru l'ekwo-opfu Chileke su: “Chileke nukwaru phę maa meru mgbenya nodu erwe phę. Ephe te egudeedu enya aphu uto; ophu ephe anumajeedu iphe le nchị byasú ntanu-a.”

2 Tesalonayika 2:10,11 Oo-gude ejø ugho mgbashị gude edupushi ndu ono, buwaa ndu l'a-la l'iswi ono. Iphe, ephe e-gude laa l'iswi ono a-bürü l'ephe jikaru l'ephe ta akpoduru obu eye l'okpobe-opfu ono, bu iya gege adzota phę nu ono. 11 Noo iphe, meru g'o gude Chileke gbaha phę eka; ephe shiswee uto; shiswee ya k'ophu buepho iphe, abudu okpobe-opfu be ephe ekwetaje l'ø bu okpobe-opfu.

Matiyu 13:18-23 “Wakwa iphe, etu k'onye jeru atu mebyi iphe ono bu baa: 19 O nweru onye anoduje anu iphe, eepfu le k'eka Chileke bu eze; ole o too dodu iya enya. Onye-Njø ono abya anafu iya mebyi iphe ono, e pfuru, no iya l'ime obu ono. O bürü egube onye ono bu ndu k'ono, a gharu l'aguga gbororo onoya. 20 Ndu ophu daru l'epfu bu onye ophu bu: teke o numaru opfu ono be o natakpotoru iya l'ehu-utso. 21 Ophu o tø gbaduru iya ogbarabvu l'obu. O

kpoepho ụpfu nwanshị; iphe mkpamẹhu byapfutaę ya pho; ọzoo ndu ọzo melaha ya ewere l'o kwetaru opfu ono; l'o bụru iphe, ọo-kpakota daa; parụ opfu ọbu buhaa. 22 Ndu ọphu daru l'eka obvu dụ l'alị; bụ onye ọphu nümaru opfu Chileke; ọle ọogba egomunggo ẹhu iya. Eyenükä obu l'eku batanụ bya akpaahaa opfu ono ẹhu. Ọphu ọ miduru amịmi. 23 Obenu lẹ ndu k'ono, bụ mebyi iphe, a tịru l'okpobe alị ono; noo ndu ọphu bụ ndu anumajechaa ya nụ; bya ewota iya ye l'okpoma phę. Ọ bụru ndu k'ono eyeje mebyi. Ọphu eyee ụkporo ise; ọphu eyee ụkporo ẹto; ọphu eyee ụkporo l'iri.”

2 Korentu 3:15,16 Mbụ-a; ọobujeru teke ẹphe agụ ékwo ekemu Mósisu ono; mbukwa byasụ nta-a; ęgube ékwa onoya aphụchịe phę pho egomunggo. 16 Ọle ọ kwaa g'ékwo-opfu Chileke pfuru kę Mósisu bụ g'ọo-dụ ndu Izurelụ; l'ekwo-opfu Chileke pfukwaru kę Mósisu sụ: “Ọobujeru teke ọ ghawarụ Nnajiuphu iphu; ékwa ono aphụfu.”

Azaya 30:28 Unme, ọtu atụtu dụ gę mini, aso gborogboro, byaru külakula bya awọn̄u nemadzụ l'olu. Ọhamoha bę ọonmaje yigayiga; mbụ chịru phę ye lę n-yo ọla-l'iswi. Ọ bya eworu iyagba-ịnya woru ye ndiphe l'asha g'o duphua phę.

Hosiya 11:3-7 Ọ kwa mbedua ziru ndu Ifuremu ije. Mu shi esetaję phę l'eka. Ọphu ẹphe amadụ l'oo mbedua bụ onye meru g'ehu dụ phę ike. 4 Mu shi egudeje obu-imemini gude ehe phę. Ọ bụru eye obu, mu yeru phę bę mu gude edu phę. Mu shi ezije phę ivu-ेrwa, ẹphe vu; mu ephozekpọ ephoze dee phę nri. 5 “Ephē e-mechaa laphu azụ lę Ijiputu. Ọ bụru ndu Asiriya e-mechaa bụru ishi phę; noo kélé ẹphe jikaru l'ephē taa Iwadụ azụ alwapfuta mu. 6 Ogu-echi e-mechaa jeha iphu iphu lę mkpukpu lę mkpukpu phę. Mbụ gbukashịa ọguzo-igwe, e yeru l'ọn̄u-abata mkpukpu phę; mee iphemiphe, ẹphe chịru k'ememe; ọ tọ duedu ọphu ẹphe eme. 7 Ndibe mu kebefutaekwarupho l'ephē a-lụfu mu l'eka; mbụ-a; ọ tọ dükwa m'obeta ẹphe kuchakponu onye ono, bụ Ọkalibe-kakota-shii onoya; ọ tọ duedu iphe, e-mekwadụ g'o kutsee phę ọzo.

Ndu-Ishi-Ozi 26:18 'li-je emee g'ephē saa ẹnya k'ophu ẹphe e-shi l'ochii futa bata l'iphóró; waa k'ophu ẹphe e-shi l'eka Nsetanu futa Iwapfuta Chileke. Ọ ya bụ; mu agụaru phę nvụ l'iphē-eji phę guru phę ye lę ndu mu hotawaru g'ephē bụru ndibe mu.'

2 Timoti 2:24-26 L'onye-ozi kę Nnajiuphu bę bùfutajekwa onye ta aswojedu ụswø; onye emejeru onyemonye odoo; onye maru g'eziye iphe; bụru onye atajeru iphe nshi. 25 Ọ bùfutaje onye ewozeje onwiya alị; akpɔ-ziru ndu agbaję iya opfu agbagba ụzo. Kélé o nweru g'oo-me Chileke agbę yeru phę ẹka; izimanụ ejo-iphē ono alwa phę azụ; ẹphe alwapfuta Chileke; ẹphe abya amakotaru ọkpobe-opfu onoya. 26 Ọ ya bụ; ẹnya abya ekosahụ phę teke ono; ẹphe emefu l'ónyà ono, Obutuswe nmataru phę onoya, bụ iya shi mee phę: ẹphe nödu eme iphe, bụ uche Obutuswe onoya.”

Ọphulenya 3:17-19 L'unu anoduje aba abaa enweru iphe; l'iphē akabę kweru unu; l'ọ tọ dükpodaa iphe ụko iya dürü unu. Nshio unu; unu ta amaduro l'unu dụ k'ayoru ọshi; l'unu akpa nri; unu nödu atsụ ishi bya agbakwaru pho ọto. 18 Ọ

ya bụ l'idzù, mu a-chịru unu nta-a bụ g'unu bya azuta mu mkpola-ododo mbu ọphu a kpuru l'oku-uzu; k'ophu adụedu mkpaba dù iya nụ; g'oo-mee unu g'unu bürü ndu nweru iphe; unu abyakwapho bya azuta mu uwe ọchaa g'unu yeje g'unu ta agbaheru ọto; ọ ya bụ g'iphere adụ-buhu unu. Unu azutakwa mu pho ọbvu ẹnya tee l'ẹnya ono g'unu awata aphụ ụzo. 19 L'o kwa ndu mu yeru obu bẹ mu abajeru mba; hụa phẹ ahùhù; g'ephe maru iphe. Ọ ya bụ; unu gude nụ obu unu g'o ha meje gẹ mu pfuru ono; g'izimanụ iphe-eji unu Iwadupho unu azụ.

2 Korentu 7:10 Kẹle nggumaphu ọphu dù Chileke ree emeje g'izimanụ Iwa nemadzụ azụ g'adzoo ya; ọphu atadụ onwonye ụta iya k'ono. O bekwanụ le nggumaphu k'ụnwu-eliphe l'egbu ebugbu.

1 Ndu Eze 18:37 Zanụ mu oku gube Chipfu; zanụ mu oku; k'ophu ndu-a a-maru l'o gube Chipfu bụ Chileke; teme ọ bürü ngu bụ onye e-me g'obu phẹ Iwaphuta azụ l'eka i nọ."

2 Korentu 4:4 Lẹ Obutuswe, bụ iya bụ ishi kẹ ndu mgboko-a bẹ woakwaru ẹka pyichia ndu bụ ekwegekwe l'egomunggo g'o mee k'ophu ẹphe taa hụmadu ìphóró, shi l'ozi-ọma ono, echiru phẹ swacha swacha ono. Ìphóró ono egoshi ogbu-nwịinwii kẹ Kéreshi. Ọ bürü le Kéreshi ono bẹ a hụmaru Chileke l'onwiya.

Luku 8:11-15 Sụ-a; waa iphe, ẹtu ono bụ baa: "Mebyi iphe ono bụ opfu Chileke.

12 Ndu ọphu daru l'aguga gbororo bụ ndu ọphu numachaaru iya nụ; Obutuswe bya anafụ phẹ mebyi opfu ono, a kuru l'ime obu phẹ ono; g'ephe te ekweta g'a dzọ phẹ. 13 Ndu ọphu daru l'epfu bụ ndu ọphu bụ teke ẹphe numaru opfu ono bẹ ẹphe natakporor iya l'ehu-ütso; ole ọ to gbaduru phẹ ọgbarabvu l'obu; ẹphe kwetaephō; kpoo nwupfu nwanshị; o beephō teke ọhutama byapfutaru phẹ; ẹphe gwobé iya. 14 Ndu ọphu daru l'eka akpuru obvu nọ l'ime alị bụ ndu ọphu numachaaru iya nụ; ẹphe jenyaa l'uzo phẹ ono; oke egomunggo; waa ẹku; waa iphe-ütso ọphu dù le ndzụ phẹ kpanuka phẹ ẹhu; ọphu ọ dudu iphe, ozi-ọma ono meru phẹ l'ehu. 15 Ndu ọphu daru l'okpobe alị; noo ndu ọphu bụ ndu numaru opfu ono bya egude ọkpobe obu ọma gudeshia ya ike-ike. Ẹphe taa nshi pfukashịa opfu Chileke ono gẹ ndu ọzo kweta."

Ndu-Ishi-Ozi 15:11 Awakwa-o! Anyi kwetarụ le Nnajiuphu, bụ Jizosu e-gude k'eze-iphe-ọma iya dzọ anyi. Ọ bükwarupho g'oo-dzọ phẹ bụ ono."

Romu 8:13 Lẹ teke unu eme iphe, dù anụ-ehu ree bẹ unu a-nwụhukwa anwụhu. Obenu teke ọ bụ l'unu shi l'eka kẹ Unme-dụ-Nsọ kpagbua umere ono, shi l'anụ-ehu unu ono; ọ ya bụ; unu anọdu ndzụ.